



796

IV: 1580-99:96.







Missive ghemaect op

T 321

den naem van Schoudt / Burgermeesteren/
Schepenen / ende Raeden / der Stadt
Vtrecht / ende ghesonden aen de
Staten van Hollandt.



Ende was Gedrucht

TOT VTRECHT,

By Jan Corneliszoon / geswooren Drucker van zijn Excellencie /
ende mijn Heeren siichts van Vtrecht / wonende inden
Enghel byde Hieronimus Schole. An. 1587.

725
96

WILLIAM BARNARD


THE NEW YORK PUBLIC LIBRARY
ASTOR LENOX TILDEN FOUNDATION
125 WEST 47TH STREET
NEW YORK 17, N.Y.




WILLIAM BARNARD

TOT VRECHT

De Wet van den 10den Junij 1877
betreffende de rechten van de
Nederlandsche Indische
Overzeesche Gebieden



Idle Erntfesten hoochgheloerde Wyse seer discrete Heeren, goede Vrienden ende naebueren.



Dyn zijn boozwaer niet min bedroeft te hooren in wat staet zyn Excellentie uwe zaken ghelaeten heeft/ als wy te voorens verblift waren/ metten goeden hoop van Satisfactien/ die hem by V. E. Resolutie vanden aechtienden deses/ scheen ghegeuen te zyn/ want ons de geheele saecke/ als den Vyanden naest geseten/ ende den daghelicken aenstoot onderwoopen/ aldermee is betreffende/ daerom wy V. E. oock gebeden willen hebben/ dit ons schijuens/ aendachtelicken te behertighen/ ende onse ghesanten (die wy wt onsen Raedt tot sulcken eynde derwaerts hebben/ afgeveerdicht) met een vruchtbaer Antwoordt naer wysch des hoochdringhenden noots/ opt spoedichste (wie ghetrouwe Gont-ghenoten eugent) te beieghen/ V. E. can niet vergheten wesen doen wy ouer twee Jaren naer Franckryck gesonden hadden. Ende van Coninck Henrick weynich troostes/ iae gansch gheen saghen te verueruen/ hoemen ons soo vooz als naer onser gesanten wedercomste voorghedragen heeft (t'gheene oock waerachtich was) hoe veel zeeckerder ende vassier hulpe wy vanden Coninginne van Engelandt/ so van wegghen der Christelicker Religie/ als wt andere vele redenen ende ommestanden meer dan van eenighe andere Potentaten in Christenryck te verwachten hadden/ wat groote noot/ ons daer toe drong/ ende hoe onses (naest den almoghenden Godt) anders geenen raedt hulpe/ noch hope en was.

V. E. en is ooc niet onbekent/ hoe geerne wy u versoeck ende aduys daer inne ghevolcht hebben/ ende met hoedanigen vuer wy niet alleen t'secours van hare Maesteyt/ maer ooc den persoon van zyn Excellentie ontfanghen hebben.

Wat ons sedert wederuaren is/ hoe de Duuel ende den Paus

Nij met

met zinnen gantschen aenhangh geraeft ende ghewoedt hebben / om dat onse saecke ende die Christelike Religie (d'welcke nouw voor hem gheschiet) d'assistentie van soo eene machtighe souuereyne Princesse vercreghen hadden / het selue wordt ons / deur die daghelickre eruaringhe meer als ghenoech betuycht / ende heeft ons altoos den meesten hoop ghegheuen van een gheluckighe wtcomste / als wesende dit rasen ende woeden / een ghewis littecken haeres anstaenden onderganck.

Doen wy nu so verre ghecomen waren dat wy ons tot de Coninginne van Engelandt begheuen / ende onse hope ende hulpe (naest Godt) op so goede / vaste Steen-Rootse ghebauwer hadden / hebben wy ons des te meer hier in bevlucht / dat wy oock van onser yde / ons ghetrouwelijck ende standroastelijcken ten wtersten toe quiten souden. Bysonder int stuck van ghehoor / saemheydt / ende authoriteyt / wel wetende soo wy hier in (als ons meest ontbrekende) oock aldermeest van onse teghenpartijen / souden beuochten worden / dat wy des te Manlijcker ons daer teghens behoorden te versien.

Wat ongheluck ende schadelijcken inbrueck dese twee hoofstucken / ghehoor / saemheydt ende authoriteyt / sedert een Jaer herwaerts gheleden hebben / wat valsche gheruchten ende calumniese rapporten / aller weghen tot sulcken eynde zyn verbruyt worden / dat sien / dat gheuoelen / dat beschreyen wy.

Betuyghende voor den almoghenden Godt / die een kender is onser herten / soo wy daer af in onse ziele / voor zyn strenghe oordeele sullen moeten verantwoorde / dat wy allen onsen voorleden ende teghenwoordighen handel / tot gheenen anderen eynde gerecht en hebben / noch en dencken te rechten / dan om waer te nemen Godes aengeboden genade / hare Maiesteyts weldaden met blyckende danckbaerheydt te erkennen / zyn Excell. zyn nootwendighe authoriteyt meer ende meer te beuestighen / ende onse ghehoor / saemheydt niet alleen int aennemen zynder beuelen / maer oock int opbrengghen onser middelen ten laetsten toe datelijcken te bewijzen.

Tot welcken eynde wy / niet teghenstaende d'uyterste bederf onzer Landen ende lieden (t' verhael onzer schaden onvermindert wie reden is) onse voorgaende quote besloten yvn te continueren ende 200 m lb. dat meer is / beuindense dese 200 m lb. niet ghe nochsaem tot betalinghe der Garnisoenen / ende ver vallinghe
der

der byloopende oncoffen / sonderlinge als men neffens t' secours
van hare Ma^r. vijf of ses duysent voet volcx met twee duysent
peerden / int velt wttrecken ende gebruycken soude / zyn wy daer
ouer doende (Godt gheef wat raet wy soecken / hoe wy ons bes
nouwen / perffen / druckē) ons aenpaert inde 250^m lb. ter maent
neffens de andere Prouincien te vinden / ende op te brenghen /
wel wetende als die Vanden ons onder haer tyrannich iock ge
brycht soudē hebben / wat ons dan meer ende hoe vileynlyck
tot beswaernisse onser ellendigher verdrukkinghe / wtgheperst
souden worden.

Dit is dan t'gheene daer mede wy daghelijcx becommert zyn
dat wy d'zuen ende waer toe wy strecken: Godes genade / hare
Maiesteyts gunste / d'autoziteyt / zynre Excellentie onse gehoor
saemheyt / t'samen metten welstandt onses bedrucktens Vader
lants te behouden.

Worden van ons andere gheruchten ghestrovt / daer met ons
sen goeden vuer te verdonckerē / twist ende misverstant tusschen
den Prouincien t'onsieken / haere Maiesteyt ende zyn Excele.
af te wenden / ende also die sake tot eenen Spaenschen peys te
brenghen / wy betuyghen den Godt des Hemels dat ons hier in
cracht ende ghewelt geschiet / ende dat wy des ontschuldich zyn.

Doch en is ons niet onbekent dat ons dit alles hercomt van
den geenen die sich ouer ons beclagen / dat wy haer sonder reden
van hier hebben doen vertrecken / haer recht ende iustitie wegge
ren / ende ons van zulcke personen / die hier noch geboren / noch
ghegoept zyn op-slucken laten.

Nochtans moeten wy bekenen / dat wy t'onrecht haer beclae
ghen ouer den geenen / die haerliedē wtsegginge noyt gedreuen
hebben / ende noyt van haer lieder versocht zyn gheweest noch
om recht ende iustitie / noch om die redenen haerder wtseggin
ghe te erlanghen.

Sulcx dat sy t'onrecht haren moet op ons wt slozen / in son
derheyt op den gheenen / die sy segghen inden Magistraet ghe
stelt te zyn teghens onse priuilegien / nu meer als ouer d'v haren
doen sy selfs by solemnele resolutien vande gheheele prouincie
op voorgaende beschuyvinghe gesloten hebben / gelijcke perso
nen totte voorneemste deses stichts Ampten en officien te ver
soecken: nu ooc meer / als by tijden Keyfers Caroli ende des Co
ninx Philippi / doemen personen in buyten dese seuenthien
Prouin

Provincien geboortich in onsen Magistraet gebruyct heeft/ van
welcke etliche/ zedert die Pacificatie van Sendt/ selfs byde ge-
nen die nu dese impertinente clachte meest zijn dyuende/ neffens
personen wt Brabant ende elders buyten dese Provincien ge-
boren in onse Magistraet geset/ ende tot op den huydigen dach
zonder reproche continuelijcke daer in ghehouden ende gheble-
uen zijn. Welcke ende meer diergelijcke acten den leest ledē Ma-
gistraet tot exempele hebben moghen dienen om die voorsz. per-
soonen tot haren naervolghers onbewaert te noemen.

Nu dan V. E. hier met ten vollen bericht zijnde van ons goet
bestendich voornemen/ waer nae wy trachten ende hoe weynich
men ons hier en teghens heeft te beschuldighen/ twyfelen wy
niet V. E. sullen onse ende des gheheele Landts zaecken (wie
goede Raebuere ende Christelike eener Religie Bondtver-
wanten ghebuere) met ons totten seluen eynde behartigen/ ende
bedencken/ oft ons noch wy stont eenighe saecke ter weerelt tot
mishaghen van hare Maiesteyt/ tot vercleyninghe zijnder Ex-
celle. ende uwer Bondtghenooten onderganck op te nemen hoe
groot ende ghewichtich die moesten zijn/ eer sy d'importantie on-
ser behoudenisse souden connen ouerweghen.

Ende dit is waer in wy niet anders doen/ dan wy t'voorzeden
Jaer/ by v eyghen reden/ propoosten ende inductien zijn ver-
maent gheweest/ de welcke doen ter tijdt ons bewoeghen heb-
bende nu wederom tot V. E. keeren/ v niet alleen te ver-
maenen/ maer in alle eerbare redelijckheyt af te eytschen/ dat
doch in v plaets ghyt t'ghene wt uwen eyghen mont ghecomen
in ons soo goede plaetse ghegrepen heeft/ te weten: Doen wy
inden beghinne des voorszeden Jaers/ ons beswaert vonden/
inde vryen kuer die zijn Excellentie begheerden van eenen per-
soon wt elcke provincie inden Raede van Staete/ V. E.
selfs op de Generale vergaderinghe onse ghesanten verclaerdt
hebben/ eer zijn Excellentie niet verneucht soude worden/ dat
V. E. hem lieuer den gantschen kuer vanden geheelen Raedt
wilden toelaten. Hy waer hier ghecomen om te regheren/ ende
niet om gheregheert te worden: Om te ghebidden/ ende niet om
gheboden te worden: Om Wetten te stellen/ ende niet om te
ontfanghen/ Ende soo wy hier toe niet en souden willen ver-
staen/ dat V. E. alsdan ghemeynt ware daer in by haer seluen
ende appart te versien. Dat nu dese uwe eyghen selfs rede-
nen

nen in v plaats grÿpende / zÿn Excellentie in zÿn nootwendighe
authoriteit / ende naementlyck int ſuck vande Contributien
ende wes t'belevt der Oorloghen aengaet / bevesticht ende daer
inne ghehouden werde. Want behaluen dat het van noode is
onſe zwacke middelen met authoriteit te ſtÿuen / zoo zÿn oock die
redenen die ons hare Maieſteyts byſtandt hebben doen verzoec-
ken / nu ſoo veel te ghewichtigher als wy zedert meer ghe-
crencht / ende ſeer nae ten wtterſten ghecommen zÿn. Anders
ſoudt ſchÿnen / dat de noot (die ons van aent begÿn doen wy
machtiger waren haere Maieſteyt heeft doen verſoecken) ons
ſoo veel harder perſſende / ende wy nochtans hare Maieſteyts
hulpe met verminderinghe van den voorrighe authoriteit ghe-
noech verwerpende / of willens ende wetens in onſen doot
ende verderffeniſſe loopen / of eenen Spaenſchen peps metten
Hertoghe van Parma voornemen wilden.

Ende zoo dan onſe vereenichde Provinciën niet als vrende-
linghen maer als Broeders van eenen Vader by den anderen /
recht of het maer een Lichaem waer / in een Verbondt ende in
een ſake verknoot zÿn / ſulcks dat proffijt / eere / behoudeniſſe /
ſchade / ſchande / verderffeniſſe / van d'eene d'andere / als zÿn
eyghen ſelfs treffen moet: zoudē wy ons voordē zeluen Godt /
dien wy ouer die beſwooren zÿner Excellentien authoriteit
ende onſer ghehoorſaemheyt met opgherechte vingheren heb-
ben aengheroepen / ingheval van verminderinghen uwes
bouen verclaerde ghemoets (des verre ſy) moeten betuyghen /
hoe noode ende met hoe groote hertsleet-wesen / wy uwe
E. hier met beſchaempt ons ende alle vroomē Landſacten
vercoyt ende bedrogghen ſouden vinden / daerom wy uwer
E. anderwerf vermaendt ende ghebeden willen hebben /
ſoo lief v is eer ende eedt / gheloof ende trouwe / om die ſac-
ke Godes ende zÿner Armer gheueviten / om die weldaeden
van haere Maieſteydt / ende die verdienſten van zÿn Excel-
lentie / om die beſcherimeniſſe uwes beminden Vader-Lands
zÿnder Redenen die v trecken moghen / beden die uwerlie-
den beweghen moghen / traenen der ellendighen / die v be-
mozen moghen / beſitten wy een vanden voornoemſte plaet-
ſen onſer Gontghenooten / die behoudiniſſe van den welke /
v dienſt Vriendſchap ende eere: Verlies / v ſchade verdrijet
ende

ende schande souden moghen toe brengen / dat doch alle
voorighe swaricheden / disputen ende passien (daer met
Landen verlooren / maer niet behouden kunnen worden) verre
van ons gheworpen / wy zijn Excell. tot ons enghen selfs pro-
sijt / ende weluaren contentement gheuen / in t' gheene wy hem
schuldich zijn / ende van aenbeghin / op venghen selfs inductie
ghegheuen ende vergunt hebben / niet twijfelende haere Ma-
sal ons wel ia meer doen dan tot noch toe / zijn Excell. sal in zijn
voorgaenden dienst blymoedich continueren / die goede onder-
danen sullen een volijcke moet grijpen / onse Vanden sullen
daer met onghelooffelijcker wyze ghebroken worden / ende Godt
almachtich sal onse rechtuerdighe sake met een ghelucksalighe
wt comptste gebenedyden / waer op W. E. goedighe ende spoe-
dighe antwoorde met onse ghesanten verwachtede / bidden wy
Godt almachtich /

Edele Erntfeste hoochgheleerde wijze seer discrete Heeren,
goede vrienden ende nabueren, uwe E. ghelucksali-
ghe ende voorspoedighe regheringe te bewa-
ren. Gheschreuen t' Vtrecht desen

XXI. Septembris.

Anno. 1587.



